

21
DISQUISITIO IVRIS GERMANICI
DE
FEVDO MANVALI .

VVLGO
Vom Hand-Lehen;

QVAM
PRAESIDE
FRANC. CAROLO CONRADI

SERENISS. BRVNSVIC. AC LVNER. DVCI A CONSIL. AVL.
IN ACAD. IVLIA CAROL. ANTEC. ORDIN. ICTOR
SENIORE ET H. T. DECANO

AD D. XXL IVNII AN. M DCC XXXXVII.

IN IVLEO MAIORI

PVBlico EXAMINI SVBMITTIT
IVSTVS FRID. LVDOV. ENGELBRECHT
HELMSTADIENSIS.



HELMSTADII REC. AN. M DCC L.





DISQVISITIO IVRIS GERMANICI
DE
F E V D O M A N V A L L I

I.

OCCASIO DISQVIGATIONIS.



uid sit FEVDVM MANVALE,
in seculi tertii decimi charta
memoratum, neque aliunde
cognitum, quaesitum fuit in
QVOTIDIANIS, quorum uti-
litas BRVNSVIGAE ordinata,
maximo litterariae non minus, quam civilis
reipublicae commodo procuratur. Eam
quaestionem, quae ante biennium proposi-
ta a) iam aliorum ingenia exercuit, si eno-
dan-

A 2

a) In den Braunschweigischen Anzeigen A. MDCCLXXXV. p. 657.

dandam hac disquisitione recipere, operae pretium nos facturos existimauimus. Erimus itaque solliciti, ut iuris beneficiarii placitis ac formulis consentaneam FEVDI MANVALIS explicationem in medium proferamus.

II.

CHARTA SECVLI XIII. IN QVA MENTIO FIT FEVDI MANVALIS.

Vt ipsius chartae, cum FEVDI MANVALIS, tum aliarum rerum mentione insignis, tenor statim inspicere & cum argumentis eius, quae deinde subiiciemus, conferri possit, integram hic apponere iuuat, qualis olim ex archetypo descripta et cum legitima solemnitate transumpta, nunc in Quotidianis Brunsvicensibus b) legitur.

SIFRIDVS Dei Gratia Sanctae Colonienfis Ecclesiae Archiepiscopus, Sacri Imperii per Italiam Archicancellarius, vniuersis praesentes literas visuris notum esse volumus, quod Nos literas patentes super ordinatione et contractu inter venerabilem matronam Metbildem olim Comitissam Seynensem ex una

b) Hoc anno, Num. IIII. p. 68. sequ. Prodiit olim inter adiuncta des Gründlichen Berichts und Beweises in Sachen Graf Ernst zu Sayn und Witzgenstein contra Chur-Trier. Extat quoque, sed non sine plurimis mendis, in LÜNIGII Teutschen Reichs-Archiv Spiegel. Secul. P. II. p. 982.

una parte et nobiles viros fratres de Spaynheim ex altera
 . concessas et traditas, non cancellatas, non abollitas, non in
 aliqua sui parte vitiatas, legimus et vidimus in hunc modum:
 In nomine Dei aeterni Amen. Ne gestarum rerum memoria
 processu temporis evanescat et pereat, discretorum virorum
 prudentia solet eam per litteras aeternare. Sciant ergo
 tam praesentes quam futuri, quod nos fratres de Spaynheim,
 Iohannes Comes, Henricus Dominus de Heynsberg, Symon
 et Euerhardus a venerabili Domina nostra Metbilde Comi-
 tissa Seynensi relicta avunculi nostri Henrici, Comitis Sey-
 nensis, recepimus gratiam talem. Cum enim ipsa secun-
 dum dispositionem et voluntatem ultimam eiusdem avunculi
 nostri, omnia feoda sua tam castra, quam alia potuisset die-
 bus vitae suae in potestate sua et possessione tenuisse, tamen
 propter dominum et preces nostras et amicorum nostrorum
 dimisit ea extra suam possessionem, et nos subintrauimus,
 sicut idem statuit avunculus noster et ordinavit. Haec scili-
 cet, castrum et oppidum Blanckenburg cum feodis attinenti-
 bus, castrum et oppidum Hachenberg cum feodis attinentibus,
 castrum Vroizberg, quia feodum est, eo tamen modo et forma,
 quae inter nos et ipsam est tractata. Castrum Saine cum
 suis attinentiis: praeter illa quae avunculus noster pro
 anima sua ibidem legavit, scilicet vineas suas et curiam et
 ea quae pertinent ad ipsam. Item castrum Soffenberg cum
 feodis attinentibus. Castrum Hilkerode cum feodis attinen-
 tibus, comitiam de Hademarek, Aduocatiam de Bunne et
 similiter omnes Aduocantias et Comitias, quas habuit auun-
 culus noster. Ipsa vero praedicta Comitissa sibi retinuit in
 sua potestate dominio et possessione omnia allodia et bona haer-
 editaria, quae avunculus noster, quum ipsam duxit uxorem,
 habebat. Item retinuit sibi omnia bona tam allodia, quam
 feoda, quaecunque ipsa et avunculus noster communi pecunia

compararunt. Et quia nobis tam voluntarie quam benigne dictam fecit gratiam, nos habito consilio prudentum promittimus sibi stipulanti solemniter a nobis, quod ipsam in iam dictis bonis; quae sibi retinuit, nunquam impediemus, nunquam inquietabimus, nunquam iniuriam sibi faciemus aut grauamen. Item promittimus, quod non permittemus ipsam in dictis bonis ab aliquo praegravari. Imo defendemus ipsam in eisdem efficaciter prae quolibet iniuriatore, et si in hoc remissi fuerimus aut negligentes, promittimus sibi reddere et soluere omnia damna, quae exinde sustinebit, dolo et fraude undique exclusis. Item promittimus si probabiliter et rationabiliter in posterum scire poterimus, quod eorum bonorum, quae nobis sunt dimissa, ut est iam dictum, aliqua possideamus iniuste, illa restituemus, sicut auunculus noster ante mortem suam ordinauit. Item promittimus, quod terram hanc nobis dimissam tenebimus sine exactionibus et iudiciis iniustis, nisi de consilio prudentum iustitiam diligentium aliter faciamus. Item placet nobis et consentimus expresse, quod omnia bona siue allodia, siue feoda siue haereditaria, quae dicta Comitissa et auunculus noster communiter emerunt, illa sibi retineat Comitissa ad omnia iura sua. Item promittimus omnia, quae auunculus noster pro anima sua legauit, rata habere, et eorum executionem non impedire. Item promittimus, quod de castris et munitionibus nobis dimissis non faciemus contra Ecclesiam Sanctam Dgi. Item placet nobis et consentimus expresse, quod dicta Comitissa retineat in sua potestate Castrum Lewenberg, quamdiu vixerit ipsa et homines, quos ipsa statuerit in turri ibidem, sibi faciant fidelitatem consuetam. Et iurabunt sibi et nobis, quod illud castrum nobis reddent et haeredibus nostris post mortem Comitissae. Ipsa etiam poterit illos a turri amouere pro sua voluntate, et alios in eorum locum substituere, qui etiam sub-

stituri

tituti sibi et nobis simile faciant iuramentum. Item placet
 nobis, quod ipsa retineat ad opus suum quamdiu vixerit do-
 mum et cellarium, quod auunculus noster aedificari fecit apud
 Blanckenberg prope tilsam, et quod similiter habeat hortum
 et curiam extra muros ibidem. Item placet nobis, quod
 ipsa retineat ad seruitium suum advocatum de Hunepbe et
 Hermannum de Welderichouen, quamdiu voluerit ipsa.
 Item consentimus, quod sicut auunculus noster statuit, Comi-
 tissa construat Claustrum Monialium Cystericiensis ordinis
 apud Hergingen de domo sua et area, quam ipse et ipsa ad
 domum illam acquisierunt. Item ut sedatur discordia, con-
 sentimus, quod quancunque poenam pecuniariam propter
 excessus suos incurrerint homines Comitissae in nostra iuris-
 dictione manentes officialis Comitissae accipiat, ad opus suum.
 Et quancunque homines nostri incurrerint manentes in iu-
 risdictione Comitissae officialis noster accipiat ad opus no-
 strum, pro maiori autem delicto, sicut pro iudicio colli et ca-
 pitis et simili, ipsa iudicet in sua iurisdictione de quolibet et
 nos similiter in nostra. Item promittimus, quod omnibus,
 quibus auunculus noster aliquid promisit Homagii causa et
 non soluit, satis faciemus. Ita quod Comitissa exinde nullum
 dampnum sentiat, aut grauamen. Similiter faciemus illis,
 qui receperint damna in auunculi nostri expeditione. Simili-
 ter faciemus illis, quibus auunculus noster subsidium promi-
 sit ad dextrarios emendos et arma praeparanda. Item
 promittimus eam quitare ab omni feodo manuali. Item
 placet nobis, quod piscator Comitissae piscetur in aquis nostris
 quandocunque volet ipsa. Item consentimus, quod si Comi-
 tissa inceperit agitare, quod vulgariter dicitur Sprengen,
 aliquam feram in terra sua syluis suis, quae vulgo
 Wildban dicuntur, et illa in terra nostra vel syluis nostris
 Wildban vocatis capta fuerit, sua erit. Similiter si fera
 fuerit

fuerit agitata in terra nostra vel Wildban et in terra Comitissae vel sylvis suis Wildban dictis capta fuerit, nostra erit, haec similiter obseruabuntur si homines Comitissae de mandato suo agitauerint, vel nostri homines de mandato nostro agitauerint. Item placet nobis quod ipsa donum suam et curiam, quam aedificat prope sanctam Katerinam in Blanckenberg libere transferat ad quem velit. Item consentimus, quod ipsa assignet de censibus domorum in Blanckenberg, duodecim solidos Colonienfes annuatim in perpetuum soluendos Plebano de Okerode propter divisionem Ecclesiae Sanctae Katarinae in Blanckenberg, ab Ecclesia Okerode factam. Item promittimus esse fauorabiles, et promotores Claustrorum religiosorum, quae construi fecerit auunculus noster et dicta Comitissa et quae similiter sita sunt in terra sua vel nostra. Omnia vero praedicta promittimus obseruare, nisi dicta Comitissa aliquem vel aliquos praedictorum articulorum remiserit nobis. Vt ergo omnia praedicta, sicut sunt praedicta, in posterum inuiolabiliter obseruentur, hanc cartam exinde conscriptam sigillorum nostrorum munimine fecimus consignari. Insuper dedimus eidem Comitissae fideiussores, quorum nomina infra sunt subscripta; qui Comitissae stipulanti solenniter promiserunt, si nos contra praedictam formam venerimus in toto, vel in parte, ipsi monebunt nos, ut infra duos menses id plene emendemus: quod si non fecerimus, fideiussores ex tunc moniti ex parte Comitissae intrabunt villam suam Lynse; inde non recessuri, nisi ex parte nostra eidem Comitissae, sicut est praedictum, fuerit satisfactum. Si vero fideiussorum aliquis rationabiliter ostenderit, se propter metum corporis aut rerum ibidem manere non audere, intrabit alias, ubi voluerit Comitissa, dummodo id sit in terra sua vel nostra; quilibet etiam fideiussorum se in solidum obligavit ita, quod mors vel absentia
pluri-

plurium vel unius, ceteros nullatenus releuabit, non excusabit. Insuper nos iurauimus praedicta firmiter obseruare, insuper si aliqua praedictorum resregerimus, non emendauerimus, ut est iam dictum, eligimus, quod dicta Comitissa Domina sui aliorum, quas antecessores nostri habuit, cum ipsam duxit, eiusque scilicet partis, quae ad nos spectat et de his faciat, ut de suis bonis. Item eligimus, quod ab omni iure, quod habemus in castro Loewenberg, cadamus et in eo succedat Comitissa loco nostri et facere possit libere de illo castro sicut de aliis feudis suis. Item eligimus, quod Archi-Episcopus Colonienfis, quicumque fueris pro tempore, sine citatione possit nos excommunicare et terram nostram sub interdico ponere, quando ab ipso id requisieris Comitissa. Omnia vero praedicta promittimus obseruare, dolo, fraudibus, cavillationibus et captionibus undique exclusis. Sunt autem haec nomina fideiussorum, Euerhardus Comes de Euerstein, Heinricus Burggrauus Colonienfis, Philippus Dominus de Wildenberg, Henricus Aduocatus de Hachenberg, Ernestus de Virnenburg, Giselberqus de Seyna, Hermannus de Wintz, Thobias de Sitetri. Testes enim sunt fratres: Gerardus de Diez, Godefridus et Gerlacus fratres de Oigenbach, Walpodo, Gerardus de Renneberg, Gobelinus de Blankenberg, Thilmannus de Porta, Henricus de Tunis et ceteri plures. Ad ea sunt haec solenniter in oppido Blankenberg, anno Domini M CC XL septimo in die Decollationis Iohannis Baptista. In cuius autem rei testimonium praesentem literam ex originali de verbo ad verbum transcriptam sigilli nostri munimine duximus roborari. Datum anno Domini M CCLXXX.

III.

ARGVMENTA CHARTÆ INDICANTVR.

Exhibet igitur charta haec conventio-
nem, anno M CC XXXVII. a Iohanne Comi-
te, Heinricho Domino de Heynsberg, Simone
et Euerhardo fratribus de Spanheim cum
Mechtilde, auunculi sui Heinrichi Magni,
Comitis Saynensis, vidua initam. Prosten-
tur illi, quum Comitissa secundum ordina-
tionem supremam auunculi sui omnia feuda,
tam castra, quam alia, ad dies vitae in pote-
state et possessione retinendi facultatem ha-
buisset, eam tamen dimisisse, illa ex posses-
sione, seque in hanc subintrasse. Enumeratis
deinde feudis, porro profitentur, Comitissam
sibi retinuisse in sua potestate, dominio et
possessione omnia allodia et bona heredita-
ria, quae mariti fuerint nuptiarum tempore,
tum vero omnia bona, tam allodia, quam
feuda, quae stante matrimonio ipsa cum
marito ex communi pecunia comparaue-
rit. Postquam Comitissae quietam horum
omnium possessionem, huiusque securita-
tem ac defensionem promiserunt, et post
alia conuentionis capita, spondent, se omni-
bus auunculi sui vassallis, quibus ipse aliquid
promi-

promiserit vasallagii causa; necdum sol-
uerit, satis facturos, idemque praestitu-
ros illis, qui damna perpesi fuerint in eius
expeditione, neque minus illis, quibus
ipse subsidium ad dextrarios emendos et
arma praeparanda pollicitus sit. Promi-
tunt denique, *se eam quitare velle ab omni* FEO-
DO MANVALI: cui clausulae plura capita,
sed nihil ad eius intellectum facientia, subno-
tuntur.

HIL

FEDRVM MANVALE AN IDEM, QVOD DICIT V
SOLET HANDLEHEN.

Nihil planius videri poterat, quam *feu-*
dum manuale in hac charta dici, quod Ger-
manice *Handleben* appellatur. Sed nec huius
appellationis vna significatio traditur. Ali-
ter enim SPEIDELVS in *Speculo* h. v. p. 565.
aliter BESOLDVS *Consil. Tubing. Parte VI. Con-*
sil. CCLXVIII. p. 71. eam explicant. Ille
quidem *Handleben* vocari notat, quod *inmediatis*
DE MANV DOMINI per vasallum, non medi-
ante, scilicet procuratore vel substituto aliquo, ex
pacto singulari accipitur, et iuramentum fidelita-
tis non nisi ab ipso vasallo praestatur. Hic

B 2

vero

c) Vid. Braunsch. Anzeigen A. M. DCC XXXV. p. 160.

vero eo nomine significari docet feudum, de quo, iurisiurandi praestatione remissa, fides clientelaris data dextra, *mittelt eines Hand-
fritches*, promittitur quae feudorum impro-
priorum species *feudum iniuratum* vocari solet,
quoniam *ut l. E. 3. f.* describitur, eo pacto ac-
quisitum est, *ut sine iuramento fidelitatis habeatur.*
Praeclara *de Feudo iniurato*, valgo *Handleben*,
conducta exemplorum illustrium et memo-
rabilium copia, diseruit celeberrimus *BVDE-
RVS Amoenit. iur. feud. c. VIII.* Verum enim
vero verba conventionis in charta nostra :
Promittimus eam quitare ab omni feodo manuali;
huculento indicio sunt, significari onus ali-
quod, suae praestationem, a cuius nexu et
obligatione liberatio Comitissae promittitur,
cui rei neutrum intellectum nominis *Handle-
ben* convenire nemo non videt. In mentem
itaque viro cuidam erudito venit, *feudum
manuale* hoc loco positum esse pro *Laudemio*,
quod olim forte dictum fuerit *Handlebn*, sed
quod nomen recentior usus in *Handlobn* mu-
tauerit. Ipse vero huic coniecturae parum
tribui voluit, donec monumentorum vete-
rum auctoritate firmetur. d)

V. AN

d) Braunschw. Anzeigen et. anni p. 1997. f.

V.

AN FEVDVM MANVALE EXPLICANDVM SIT AD
INSTAR BENEFICII MANVALIS.

Ecclesiastica beneficia constat habere indolem feudorum, variaque ex institutis militiae secularis in vsum eorum translata, ipsum quoque *beneficii* nomen, beneficiorum militarium imitatione, illis inditum esse. Itaque non improbabili ratione existimatum fuit, e) illam *feudi manualis* appellationem forsitan explicandam esse ex natura *beneficiorum manualium*, quae tantum clericis residentibus, et qui diuinis officiis interfunt, conferuntur: quae quum in distributionibus quotidianis, victu et vestitu consistant, alias *viualia* dicuntur, c. *non. de cleric. non resid. VI.* Sunt enim his beneficiis similia feuda, quae vocantur *de camera* et *de caneu*, quum esculenta, aut potulenta, e camera vel cella domini, beneficii nomine, praesertim officialibus in aula ministrantibus praebentur. Poterant igitur videri fratres de Spanheim dedisse fidem Comitissae, se illam liberaturos esse ab omni huius generis praestatione, vasallis ad feuda sibi cella pertinentibus facienda. Sane

B 3

et

e) Braunschv. Bezirgen 1. c. et huius anni p. 77.

et alia, quae defunctus Comes vassallis suis promiserat, soluenda illi receperunt, ita, ut Comitissa nullum inde damnum aut grauiorem persentiret. Verum huic quoque coniecturae deest auctoritas, qua in huius generis feudis nomen feudi manualis usurpatum fuisse perhibeatur.

VI. AN SIMULTANEAM INVESTITVRAM DENOTET FEVDVM MANVALE.

Eadem difficultas obstat, quo minus feudum manuale intelligi commodè possit de simultanea inuestitura. f) Est quidem vtilitissima appellatio *coniunctae manus*, der *Gesambten Hand*, quam SCHILTERVS de Inuest. Princip. Imp. simult. c. 1. §. 4. illustrat, et in *Iure Feud. Alem. cap. III. §. 3.* dicitur, *entphaben ein leben mit den Brüdern mit EINER LEHENS HAND*, siue, ut habetur c. CIII. §. 3. *mit EINS LEHENS HAND*, in quibus formulis *coniunctio per simultaneam inuestituram* discrete exprimitur: sed quae ex vocabulis, *feudum manuale*, minime intelligi potest. Accedit, quod in tota charta nullius simul inuestiti mentio fiat, neque appareat, quorsum haec promissio libera-

f) Braunschw. Anzeigen hui. anni l. 4.

berationis a nexu simultaneae inuestiturae
referenda foret, an ad feuda a Comitissa si-
bi retenta, an vero ad ea, quae fratribus de
Spanheim cessit, quod omnino explicare di-
cendum fuisset. Dabitur itaque locus inter-
pretationi, quae et conventionis in charta
perscriptae tenori, et vniuerso negotio, in-
ter Comitissam et fratres de Spanheim cele-
brato, commoda aptaque, neque minus per-
spicua sit, quaeque, vt initio huius disquisi-
tionis proposuimus, iuris et formularum
clientelarium auctoritate confirmetur, cu-
ius denique vsus in ipsis rerum argumentis
obtineat.

VII.

FEVDVM MANVALE EST, QVOD AD FIDelem
MANVM TENETVR.

Quod in charta nostra caput praeci-
puum est conuentionis, cessit Comitissa fra-
tribus de Spanheim, tanquam proximis post
mortem suam successoribus, omnia, tam ca-
stra, quam reliqua feuda, quae ipsa com-
muniter possederat cum marito, et quae post
eius obitum tam iure communionis, quam
secundum vltimam illius voluntatem, reti-
nere ad vitam potuisset. Postquam vero
Comi-

Comitissa ea feuda dimiserat extra suam possessionem, et fratres de Spanheim in eandem subintrauerant, sicut idem auunculus ipsorum, eos in communionem recipiendo, statuerat et ordinauerat: mutata nunc quidem et in illos translata erat possessio feudorum, nulla vero per hoc mutatio facta iuris et nexus feudalis, quo Comitissa Domino in iisdem feudis obstricta erat. Vt igitur ipsa liberetur ac dimittatur ab omni nexu et obligatione illa feudali, effecturos sese pollicentur fratres de Spanheim, dum *promittunt eam quitare ob omni feudo manuali, h. e. ab omni vasallagio, quod, dimissa feudorum possessione et vtilitate, apud ipsam remaneat, et quo ipsa adhuc deuincta, secundum antiquam formulam, feuda ista ad fidelem manum teneat*, donec ab illo vasallagii nexu voluntate Domini soluatur.

VIII.

FORMVLA, AD FIDelem MANVM TENERE, EX
ANTIQVIS CHARTIS ILLUSTRATVR.

Etenim, cessa et translata in alium possessione feudi, Domino inconsulto, cedens dicebatur *ius feudi ad fidelem manum tenere, die Leben*

*Leben zu treuen Haenden tragen, siue etiam, das
 Gut zu treuer Hand in Lebnis Gewebren halten,
 donec, refutatione in gratiam cessionarii se-
 cura, siue inuestitura, siue appropriatio fendi
 cessi eidem fieret: Testem formulæ illius
 iam alio tempore, Exercit. II. de Pacto Fiduciae, in
 fine, produximus chartam anno M CC XXXVIII.
 confectam, e reliquiis, quas possidemus, di-
 plomatarii Vetero - Cellensis, in qua Rein-
 hardus et Theodericus de Honsberg, se vil-
 lam suam ad S. Michaelen Abbati et con-
 uentui Monasterii perpetuo possidendam ven-
 didisse, testatum facientes, haec subiiciunt:
 In præfata igitur villa omnimodis nihil iuris ac
 proprietatis nobis reseruamus, nec reseruare volu-
 mus, nisi ad ipsius Abbatis et conuentus in Cella in-
 stantiam petitionem iura feodalia, quae teutonice
 die leyn dicuntur, sine doli vel alicuius mali ad-
 mixture fideliter in manibus nostris siue ad fi-
 delem manum tenere volumus, nichilque nobis
 iuris vel consuetudinis in eadem villa conseruando,
 sed prænominato Abbati et conuentui ad possiden-
 dum, gubernandum, vtifruendum tam diu, donec a
 Dno Marchione appropriationem saepe nominatae
 villae valeant obtinere. Et pro eadem incorpora-
 tione consequenda et obtinenda præfatum Abbatem*

et consuetudinem coram Dno Marchione nostris amicorumque nostrorum precibus fideliter promittimus adiuuare. Dignissima porro est, quam ad eandem formulam illustrandam proferamus, sequens charta. Ek Bosse van Alvensleue heren Bossen sone wonastich to Arxileue bekenne openbar in deffeme iegenwordigen breue al den de on seen vnn horen lesen dat ik mit rade vnn mit willen vro Ilseben myner moder vnn Der Lodwiges van Dorstat mines omes vnn Fritze van Esbeke vnn Bodens Hauerlagen hebbe geguen deme closter to sunte Mariendal den tegenden to dorp Sigersleue an dorpe vnn in velde mit aller nuth vnn mit allen rechte alse den mine Olderen hebben rawliken beseten vnn my geeruet vmme den halven tegeden to Ofsringersleue den dat closter dar van oldere beft gebat mit aller nuth vnn mit allen rechte Vnn dusse weffselinge hebbe ick gedan dorch god vnn dorch myner olderen sele willen alse bir na bescreuen sleit. To deme ersten so sette icke se in de were des vorgenomeden tegeden to dorp Sigersleue in disseme iegenwordigen breue roweliken vnn ewichliken to besittende vnn willen eren rechte were wesen vor aller rechten ansprake wor vnn wanne se des bederuen vnn d se das van vns offchen Vortmer so loue ick on en trwen dat ik disse vorsproken tegenden wille vplaten myne-

myneme heren van Halberstad myt breue
 edder myt munde wanner id van my effcher wert
 dan deme Abte van sunte Mariendal edder van
 synen wrauen vaten Fortiner so tuut ick deme suluen
 Abbere van Comenre dat ik wil dussen vorgenom-
 den tegeden to dorp Sigerleue en to truer hant
 holden in lones weren also lang wente se den
 egendom kunnen erwaruen edder den tegeden
 eneme anleten laten mer dar will ik ok ohne myt wile
 to helpen des besten des ik mach. Dat ik vorbenomte
 Bosse dusse vorsproken wesselinghe unde alle dusse
 stücke de in dissem iegenmoordigen breue staustrade vnn
 ganz holden wilen dat lone id in dissem iegenwerdi-
 gen breue den ik besogelt hebbe myt myneme vnn my-
 ner frinde Ingesegelen de bir na bescreuen stan unde wy
 her Lodewich van Dorstade de eddele vnn Writze van
 Esbekke vnn Bode Hauerlage Knechte bekennen dat
 wi alle disse vorscreuene dinghale gededinget hebben
 volpen vnn sint des iuge. Dat bewise we mye vn-
 sen Ingesegelen dede wy an dussen iegenwerdigen
 Bress mit Bossen Ingesegelt hebben gedengeth. Nach
 Gods bort dritt ein bundert iar in deme negen vnn
 vestigen iare In deme achteden dage der billigen
 Apostelen Sante Peters unde Sante Paulus. Addi-
 mus memorabilem locum ex Archiepiscopi
 Magdeburgensis Ernesti Ordinatione ciui-

ratis Halensis, anno MCCCCLXXVIII, pro-
 mulgata, Regiment vnd Ordnung der Stadt Halle,
 in LVNIGII Archivio Imper. Contin. IIII. Part. II.
 contin. p. 523. Tit. VON GETREUER HANDE.
 Vnd als denn in vergangen Zeiten viel geschehen
 ist, daß etzliche im Thal, und auch andere Lehn-
 Güter, von unsern Vorfahren, Ertz-Bischoffen,
 zu Lehen empfangen, aber die Ausläuffte,
 Gewehre vnd Nutzungen andern folgen las-
 sen, vnd solche Lehn - Wahr ohn vnser Vorfahrn
 vnd unser, als Lehn - Herrn, Willen vnd Vollwort
 zu getreuer Hand getragen vnd gehalten
 haben,, vnd als nu solch Thun wider Recht vnd
 Seeligkeit derselben ist, haben wir vns mit dem ob-
 genannten unsern lieben getreuen Rath vnd Bür-
 gern gemeiner vnser Stadt Halle vertragen, vnd
 vertragen vns gegenwaerniglich in diesem Brieffe,
 daß solche getreue Hand oder Tragen der
 Lehn-Güter; daran andere die Gewehre,
 Ausläuffte oder Nutzungen haben, nun
 Einsoerder abstehn vnd von niemand in keiner-
 ley Weise mehr geübet werden, sondern ein iegli-
 cher die Güter, daran er die Gewehre vnd Nut-
 zunge hat, wo die mehr dann auf einer Lehn-
 Erben stehen; zu sich auf sein Leben nehmen,
 solches in einem Jahre; nach Gebung dieses
 Brief-

Brieffe, dem nechsten vngesehrlich gegeben
soll.

VIII.

FIDELIS MANVS IN FEVDIS EST VASALLAGIVM
SINE RE, IDQVE FEVDVM MANVALE
DICTVM EST.

Ex his iam satis constat, FIDelem MAN-
VUM in feudis significare vasallagium, quod
quis sine possessione et vtilitatis perceptione
gerit. Tale est beneficium ad manum alterius
alicui homini concessum, vt dicitur ab Auctore
vet. de Benef. tit. de urban. benef. §. 21. Hinc
marito, ad manum uxoris inuestito, nullum
ius in feudo competere, perhibet Ius feud.
Saxon. c. LXXVI. Hat ez aber der man zu der
Vrouen hant entphangen vnd anders nicht, nach
der Vrouen tode en bat ber da nicht rechtes an.
Est enim hoc mariti vasallagium sine re, et
opponitur feudo, quod a viro et vxore con-
iuncta manu, mit eines Lebens Hand, et aequali
iure receptum est, in quo maritus et posses-
sione et vsufructu simul cum illa gaudet,
quod perspicue traditur in Iure feud. Alem. c.
CIII. So die frowe tod ist, so bet des mannes leben
ein ende, er en babe denn dat gut entphangen mit
der frowen mit eines lehens hand, vnd babe
C 3 ousch

auch das gut mit der frowen genoffzen, so bet er
 recht an leben vnd gute nach der frowen tode.
 Vnde manifestum est, feudum; quo vir tan-
 tum *ad manum* mulieris inuestitus est; in me-
 ro *provasallagio* consistere, quod nullum in
 feudo ius inuestito tribuere ostendimus in
Dissert. de Provasallis, vbi etiã nomen Pro-
 uasalli vernaculum; *Lehntrager*, a deduximus
 formula: *Die Leben zu treuen Haenden tragen*,
 quod egregie confirmant diplomata in Ill.
 GLAFEY *Anecdotis* n. 182. et 323. Exempla in-
 uestiturae matri ad manus liberorum, imò
 et postumi, factae sub illa formula: *Die Le-
 ben in truwen haenden zu tragen, bis das die Kin-
 der zu ibren Tagen kommen*, dedit SCHILTERVS
de Invest. Princip. Imp. simult. c. 2. §. 4. Simi-
 lis formula investiturae, Iohanni Wildgratio
 Dhinensi factae, *an statt vnd von wegen seiner
 hausfrauen vnd kinder in TRAGERS WEISE* oc-
 curit in Ill. DE SENCKENBERG *Select. Iur. et
 Histor.* Tom. IIII. p. 498. Haud dissimilia de
 vicario, qui in bonis meierdingicis ad ma-
 num extranei possessoris inuestiri solet, qui
 proinde *die getreue Hand* vocatur, nuper ani-
 maduertimus in *Dissert. de Iure retractus in
 bonis meierding.* §. 13. not. a.) Est utique
 eius-

eiusmodi vassallagii sine re et provassallagii species, quoniam feudum *ad fidelem manum*, siue *ad manum alterius* gerit vassallus, qui possessione et utilitate feudi se abdicauit, et vtramque in alterum transtulit, dum ipse adhuc fidelitatis et seruitorum feudaliū debito adstrictus permanet. Est itaque huic rei convenientissima omnino formula FEVDI MANVALIS, *eines Handlebens*, quod *ad fidelem manum*, siue *ad manum alterius* tenetur, *Lehn ohne Gewehr*, vt vassallagium a possessione et usufructu feudi separatum vocatur in *Iur. feud. Saxon. c. V. et LIX.* et *Iur. feud. Alem. c. CVII.*

X.

UTILITAS PACTI DE LIBERATIONE A FEVDO
MANVALI IMPETRANDA.

Vassallos in feudorum alienatione, dum interea possessionem et usumfructum eorum cedebant, pacto sese obstrinxisse ad resignationem Domino quam primum faciendam et vel inuestituram vel appropriationem nouo possessori impetrandam, testantur ipsae a nobis allatae chartae. Nihil vero tali pacto fratribus de Spanheim opus erat in cessione feudorum sibi facta: quippe illa mere here-

hereditaria fuisse, tum Henrici Magni testamentum, in quo fratres de Spanheim, ex sorore nepotes, heredes in feudis istis scripserat, tum litterae super prima inuestitura ab Hillino Archiepiscopo Treuirensi datae ac diuisionum instrumenta loquuntur, quae in *Deductione pro Ernesto Comite in Sayn et Witgenstein contra Archiepiscopum Treuirensen anno MDCXXXII. edita*, inde a LVNIGIO in *Archium Imperii Part. Spec. Contin. II. p. 397. sequ.* relata, exhibentur. Poterat itaque Comitissa feuda illa, in quibus fratres de Spanheim ex testamento mariti successuri erant, liberrius in eos transferre, nulla Domino resignatione facta: neque illis inuestitura poterat denegari. Hoc tantum intererat Comitissae, ut a vasallagii nexu dimitteretur, eam in fratrum de Spanheim inuestitura liberari ab omni obligatione manus fidelis et feudi manualis, utique quum castrum Sayne cum pertinentibus, ut ex litteris inuestiturae constat, esset ligium feudum: ne inimicitias Domini suscipere eo, quo arctior huius homagii nexus postulabat, modo teneretur. Saepe aliter factum, et vasallum, qui feudum alienabat, facta licet resignatione, in vasallagii nexu retin-

tentum, idque in noui posfesoris inueftitura diferte cautum effe, docuit SCHILTER ad *lus feud. Alem. c. LXVIII.* et confirmant exempla apud SCHANNATVM in *Clientela Fuld. in Probat. 180. 375. et 408.*

XI.

VSVS FEVDI MANVALIS VETVS
ET HODIERNVS.

Vfus FEVDI, quale explicavimus, MANVALIS in ipsis rerum argumentis ex eo intelligitur, quod vniuerfae fere Germaniae moribus receptum effe animaduertit HORNIVS *Iurisprud. feud. c. 23. §. 13.* ut vafallus, etiamfi feudum vendat, vel alio titulo cedat et tradat, tamen pro vafallo ac domino vtili tamdiu habeatur, donec iure fuo diferte et folemniter fe abdicauerit, petieritque alterum inueftiri, *bis er die Lehn auffgelaffen*, nec emtor, vel alius, antequam id factum, inueftiatur. Quum igitur non callida, qualis II. F. 55. notatur, *machinatio*, non dolofa, quae *Iur. Feud. Alem. c. CVII.* contra ius diuinum et humanum et aduerfus fidem vafalli fieri dicitur, infeudatio fufcipiatur, neque animus inuertendi ius Dominj, aut contemptus eius appareat, vbi vafallus poffeffionem feudi sub conditione

D

ditione

ditione resignationis in manus Domini faciendae transfert et, vassallagio siue feudo manuali retento, neque ius omne feudi neque obligationem dimittit; extra poenam commissi esse talem feudi cessionem, omnino dicendum est cum HARTM. PISTORIS *Obf.* 230. n. 9. certe a poena feloniae tutus est vassallus, quum feudum sine Domini consensu transfert in proximum successorem. Huius enim in gratiam dum feudo se abdicat, non tam alienat feudum, quam comprehenso in prima inuestitura et condomino copiam vtendi fruendi feudo cedit. Quam ob causam huic refutationem feudi sine consensu Domini fieri posse, et iuris Longobardici placita II. F. 26. §. *Titius*, probant, et veterum Germaniae prudentum auctoritas suffragatur. Ita habet responsum a Sculteto et magistratu Schaphusano, ad consultationem Rudolphi Comitis Habsburgici, quo pacto is in fratrem suum Gottfridum partem suam indiuisam Kletgouiae alienare posset, anno MCCCLXV. datum, ab illustr. DE SENCKENBERG ad STRV VII *Syntag. iur. feud. Append.* III. p. 149. prolatum: *Daß er mit seiner Handt (suo arbitrio ac ptestate) thun solt vndt och wol getun*

getum moechte, wenn sy (fratres) dieselbe Graf-
schafft in rechten Gemein mit einander von dem
Roem. Kayser ze Lebn empfangen band. De re-
centioris temporis vsu, post MYNSINGERVM
Cent. V. Obseruat. 65. n. 13. testatur MEVIVS
Part. VII. decis. 247. vbi: *In proximum agnatum,*
ait, sine consensu Domini feudum licite alienari
communis lctorum sententia tenet, et fori praxis
obseruat. Addit rationes: *quia talis venditio*
potius refutatio feudi, quam alienatio est, quae non
eget Domini consensu, cuius nihil interest, dum feu-
dum retinet vna inuestitus: tota quippe familia a
primo adquirente descendens par ius ad feudum
habet, electa est a Domino, et quisquis eius est, pro
vasallo reputatur. Quibus argumentis com-
motus BERGERVS in *Elect. Discept. for. tit 40.*
obs. 6. not. 2. etiam in terris, quae Serenissi-
mo Saxoniae Principi Electori parent, ces-
sionem feudi, quae sit proxime successuro,
non impetrato Domini consensu, defendit
a poena feloniae, quam quidem Edictum
anno MDCXXII. promulgatum et aliquoties
repetitum statuit in traditionem feudi, non
obtento re adhuc integra Domini consensu,
peractam. Similiter Constitutiones in ter-
ris Brunsvicensibus, de prohibita feudorum
D 2 aliena-

alienatione eiusque poena latus, haud pertinere ad alienationem, quae fiat in proximum agnatum, aut alias successurum, dixit Ill. DE SENCKENBERG. *Disquis. de Feudis Brunsvicens. et Luneburg. c. III. §. 35.* Quamvis tutius et rectius tunc quoque Domini consensum exorari fatendum sit cum BERGERO l. c. *quum multis modis Domini directi interesset queat, quominus etiam proximus agnatus possessionem, ante impetratum consensum, apprehendat.* Multo itaque magis licitum est pactum, quo simultanee inuestitus emolumenta ex feudo percipienda, in eventum successionis, aliis se concessurum, ac modico fructuum contentum fore, pollicetur: de cuius pacti valore disputat LVDER. MENCKENIUS in *Dissert. de Feudo ex pacto cum simult. inuestitis alienabili, §. 20. sequ.* Et hoc quoque pactum inducit aliquam speciem feudi manualis; quoniam simultanee inuestitus, in feudo succedens, vi huius pacti est vasallus fere sine re, cessa aliis feudi utilitate. Quare Ill. STRUVEN *tr. de bonis meierdingicis §. 11.* ex huiusmodi pactis explicationem repetiit *manus fidelis*, in acquisitione meierdingicorum bonorum extraneis necessariae. Cautionem in permit-
tenda

tenda feudorum alienatione Dominis olim
vfitatam, atque in illa bellorum priuatorum
licentia sane perutilem, vt venditor, tan-
quam *honorarius vafallus*, dominii nexu per-
maneret adstrictus, animaduertit supra lau-
datus SCHANNAT *Client. Fuld. benefic. Part. I.*
c. 2. §. 1. n. 2. eamque obligationem quando-
que extensam fuisse, docet, in heredes, ve-
lut in *Probat. 108.* Engelhardus de Munster
profitetur: *das ich und myn Erbiu doch von der-*
selben Gute wegin in Mannschafft vorbundin sin
und bliben wollen und sulln vnserm obgenannten
gnedigen Herren und Stift in alle Wyse als ob wir
die Vererbung nicht teten. Vafallos quoque,
feuda sua in fauorem tertii refutantes, ali-
quando ius vafalli et successionem sibi refer-
uasae, si tertius sine successoribus idoneis de-
cesserit, obseruauit SCHILTERVS *ad lus feud.*
Alem. cit. c. 69. §. 2. Effusa quondam in ecclesias
et monasteria liberalitas saepe fecit, vt, quum
vafalli feuda quaedam illis cederent, interea
vafallagium sine re continuarent, et feuda
cesae ad fidelem manum tenerent, vsque
dum, resignatione in manus Domini facta,
ecclesiae vel monasterio, siue feudi siue pro-
prietatis iure, a Domino concederentur: vt

luculenter perhibent chartae, quas supra ad explicandam formulam et naturam feudi manualis protulimus. Frequentissimus vero feudi manualis veteri nostroque aevo noscitur vsus in *prouasallagio*, cuius iura, iuuenili opera vtcunque delineata, nunc iusta commentatione illustrata, Deo iuuante, propediem dabimus.

COROLLARIA.

- I. *Possessio ius in re non est.*
- II. *Eandem rem duo in solidum possidere non possunt.*
- III. *Feudo legato aestimatio debetur.*
- IIII. *Feudum francum non est foemineum.*
- V. *Pignus feudale sine consensu domini est nullum.*
- VI. *Feuda etiam ab incapacibus iuris feudalis acquiri possunt.*
- VII. *Feudum ob omissam inuestiturae renouationem non semper amittitur.*
- VIII. *Feudum per procuratorem et dari et accipi potest.*



